



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Virginitas.

urn:nbn:de:hbz:466:1-30427

vel à collegio patrum, vel si habet auctoritatem à lege, quia ista durat, persequatur & ipse, secundum Pan. in ca. 1. ne sed. vac. ali. Inno. secus est, si factus est à priore, episcopo, abbate, vel alio prelato, quia non durat eo moriente. Cessat etiam vicarij potestas, episcopo excommunicato. Pan. in ca. 1. de offic. leg. Intellige secundum quosdam re integra: quia idem iudicium est, sicut de elegato, secundum Pan. in c. licet. de offic. delega. Secus autem quando res non est integra, secunda Ioan. And. in d. c. 1. de offic. vic. Not. etiam secundum Pan. in c. volente. d. of. del. posito vno vicario, reliquos non remouetur: licet contrarium tenuerit Io. Cal.

VINDICATIO.

VINDICATIO vna est, quæ per iudicem, vel superiorē exercetur secundum quod iura disponunt diuina, vel humana, & si fiat secundum rectam intentionem, est actus bonus à virtute procedens. Altera, quæ sit, seu appetitur à persona priuata, & quantum ad actum vindicandi illicitum, est priuata persona, nisi propter defensionem cum moderamine, ut supra, Homicidium. §. 3. Est enim actio habetis potestatem super eum, qui punitur. Quantum autem ad appetitum non est peccatum appetere vindictam, id est, iustam punitionem malorum, hoc est enim appetere iustitiam, dum modo non appetatur ex odio, vel gratia satiandi animi, vel alio malo fine, sed vel propter correctionem delinquentis, vel ut alij timeant, vel propter bonum pacis, & huiusmodi: aliter vindicantes se, vel ultionem appetentes, & non prædicto modo, mortaliter peccant, nisi ex imperfectione actus vel in re parua. Potest etiam quis querere ultionem de propria iniuria, quando reducat in vituperium Dei, sicut fecit Siluerius Papa, qui excommunicauit eos, qui cum exulem fecerant fieri. 2. q. 4. c. Guilisarius. vel quando vergit in detrimentum animarum, vel in scandalum: quia non est contra charitatem, alias patienter ferre laudabile est. c. tu bonus tolera. 27. q. 4. Mali ad exercitium bonorum à Deo permittuntur, ideo patienter tolerandi sunt.

VINVM.

VINVM non bibentes, ordinari ad sacerdotium non possunt. Ex eo enim quod vinum abhorrent, possent vomere sacramentum. ar. in c. si quis per. de cons. dist. 1.

VIRGINITAS.

VIRGINITATEM seruare non solum est licitum, sed laudabile, non quia sit præceptum, sed consilium, iuxta illud Apost. De virginibus præceptum domini non habeo, consilium autem do. Et quia posset quis obijcere præceptum Dei, scilicet, crescite, & multiplicamini, & c. dicitur, quod sufficit hoc ab aliis quibus adimpleri, & non est necesse ab omnibus. Imò expedit aliquos cælibem vitam ducere: ut vacent contemplationi. Quinimò cæteris paribus, virginitas præfertur coniugio: secundum The. secunda secundæ. q. 152. a. 4. Præceptum enim illud multitudini, non singulis datum est.

VIRGINITAS non perditur, si virgo dormiens violetur, dummodo quando iuit dormitum, hac intentione non iuerit: nec si vi opprimatur, dummodo non consentiat in talē delectationem, licet sentiat eam: neque dum patitur se minis fluxu, dummodo renitatur quantum potest, etiam quod corporalem habeat delectationem. Nam virginitas principaliter consistit in deliberata voluntate, non experiendi veneream delectationem, quæ sentitur in emissionem seminis.

VIRGINVM

consecratio.

VIRGINVM consecratio solum ad Episcopum pertinet, cui ecclesiæ cura committitur, & in tali consecratione confertur gratia: secundum Tho. 4. sent. d. 38. q. 1. nisi sit obex: non ex vi sacramenti: quia sacramentum non est, sed ex opere operantis.

MULIERES virgines mente, sed corpore corruptæ (quia violenter, siue dormientes, siue aliter fuere corruptæ) non debent consecrari, quauis virginittatem non perdiderint formaliter: quia ecclesia tantum de exterioribus iudicat, & ad hoc est cap. ille. 32. q. 5. Quæ autem corpore incorruptæ sunt, licet mente

O 5 sint